



Acta da Comisión Delegada

30 de xullo de 2020

Lugar: Reunión por medios telemáticos

Hora: 20:00 horas

Orde do día:

1.- Protocolos COVID e información últimas xuntanzas coa SXD.

2.- Competición

Situación do Calendario deportivo. Circuitos. Propostas

Cambios de Regulamentación para axustar o calendario actual e posibles modificacóns.

Propostas de compensacións.

3.- Rogos e Preguntas

Asistentes:

Presidente-Gonzalo Mario Triunfo Delgado

Secretaria Xeral- Mónica Flores Ferreiro

Amando Guerrero (AD Náutico de Narón)

José Riveiro (Artrogal Tri-498)

Triatlón Santiago (Asiste con delegación do presidente José Ramón González)

Patrício Cruz Farías

Triatlón Ferrol

Desenvolvemento da sesión e Acordos Adoptados

Comeza a sesión ás 20:12 h.

1.- Protocolos COVID e información últimas xuntanzas coa SXD

O presidente informa da situación actual e do avance dos grupos de traballo para seguir a elaboración dos protocolos federativos. Concreta que a situación en realidade non mudou, que en todo momento se manteñen grupos de 20-25, distancia social establecida nas normativas vixentes e uso de máscara sempre que esta non se poida respectar tanto en adestramento coma en competición. O compromiso da SXD é revisar cada caso e deporte en concreto e para iso teñen novas convocatorias co coordinador de cada grupo de traballo. A día de hoxe tendo en conta as normativas vixentes no noso deporte as únicas opcións que se ven son as de competicións con formatos semellantes á contrarreloxo, con medidas correctoras e sancionadoras que faciliten o cumprimento da obriga de manter a distancia social durante a competición xa que non se ve factible o uso de máscara durante a práctica deportiva.

Valorase elaborar un comunicado para clubs e deportistas e de cara a rebater as últimas novas falsas dalgún diario deportivo. Finalmente acórdase non emitir este comunicado xa que tanto na publicación da web FEGATRI coma no comunicado do Club organizador do Tríatlón Cidade de Ferrol só se indica que os circuitos actuais non é factible adaptar os mesmos para poder cumplir coas normativas actuais, en ningún momento se está falando de multas ou culpando á SXD ou outra administración.

- Acórdase facer unha xuntanza online cos clubs para o próximo mércores de cara a explicar a situación actual e enfoque do plan 2021.

2. Competición.- Situación do Calendario. Circuitos-Propostas compensatorias. Regulamentos e propostas

Debido ao exposto en relación á aplicación de protocolos preventivos COVID nos circuitos actuais nuns casos e outros a que os Concellos que daban respaldo a os eventos neste momento están centrados en control da situación sanitaria, estanse cancelando a maioría das probas comprometidas nun primeiro momento.

- A organización do "Dúatlon Cros de Baio" e a do "Gran Premio Tríatlón A Pobra" emitiron comunicados desculpando non poden organizar estas probas no momento actual.

O Northwest Triman, cuxo protocolo está elaborado pendente de aprobación, cumpriría a data de hoxe coas necesidades legais para a disputa en condicións de distanciamento.

Valorase a adaptación do Dúatlon de Estrada ao sistema "Rolling Start" e a posibilidade de garantir a distancia de seguridade. O Triatlón Santiago indica que ten planificado un circuíto a unha única volta e polo momento queren seguir adiante coa organización do evento. Nos próximos días presentarase a reestruturación do mesmo con planos e plan.

Circuítos e medidas compensatorias.- Ante a dificultade para organizar os circuítos de Dúatlon e Triatlón de Estrada 2020, estando facturados xa aos clubs acórdase facer unha bonificación dos mesmos na tempada 2021, dando opción aos clubs que así o desexen para solicitar o importe dos mesmos ao comezo da tempada 2021.

Adaptación da Regulamentación para os campionatos Galegos de Triatlón e Dúatlon de Estrada.

Na medida en que non hai circuítos e polo tanto non haberá probas clasificatorias establecese o seguinte.

O Campionato Galego celebrarase acorde aos protocolos preventivos que aprobe a Secretaría Xeral para o deporte. Estes contemplarán de acordo ás normativas vixentes a saída con Rolling Start adaptada nos tempos necesarios para garantir a separación en todo momento en cada sector. O sistema polo tanto será contrarreloxo, o tempo de cada deportista será o real dende a súa saída ata que cruza a liña de meta.


Os campionatos galegos de Triatlón e Dúatlon de Estrada disputaranse en dúas carreiras separadas e estarán limitados cada un a 100 participantes masculinos e 100 participantes femininas.

- A inscrición na proba distribuirase do seguinte xeito, so para federados e priorizando aos federados con licenza galega ou de clubs galegos que aboaran Dereitos de circuíto.
 1. Invitacións establecidas regulamentariamente segundo a clasificación dos clubs no campionato Galego 2019 (20 Triatlón/19 Dúatlon)
 2. 20 primeiros/as clasificados/as dos Campionatos Galegos individuais da modalidade 2019.
 3. 2 invitacións para cada un dos 10 mellores clubs galegos situados no ranking nacional.
 4. 1 invitación para cada club que tivese aboadado o circuíto 2020 e non entre no punto anterior(3).
 - 5.-Abrírerase un período para esta inscrición ata o venres da semana anterior á proba. No caso de que non se cubran as prazas, estas abriránse o luns seguinte e serán completadas por orde de inscrición na plataforma.
- Deportistas que non teñan licenza galega deberán enviar solicitude de invitación e o mércores previo á proba comunicárselles si se lles concede en caso de que quedaran prazas.
- A entidade organizadora poderá celebrar outra proba federada de ata 100 participantes, a inscrición será aberta para deportistas con licenza de tempada.

Non habendo rogos e preguntas levántase a sesión ás 21:10 h.



Asdo.- A Secretaria Xeral
Mónica Flores Ferreiro

Voto

Asdo.- O presidente
Gonzalo Triunfo Delgado.